

Broj: 23 /22
Sarajevo, 18.01.2022. godine


Na osnovu člana 108. Statuta Univerziteta u Sarajevu i člana 11. Poslovnika o radu Vijeća Univerzitet u Sarajevu-Instituta za genetičko inženjerstvo i biotehnologiju, sazivam:


**19. REDOVNU SJEDNICU VIJEĆA INSTITUTA
ZA PETAK, 21.01.2022. GODINE U 11,00 SATI**

i predlažem slijedeći:

DNEVNI RED

1. Usvajanje Zapisnika sa 18. **redovne** sjednice Vijeća Instituta od 22.12.2022. godine;
2. Razmatranje Izvještaja o radu Instituta u 2021. godini;
Izjavitelj: dr. sc. *Naris Pojskić*, direktor,
3. Utvrđivanje Prijedloga za pokretanje procedure i raspisivanje konkursa za izbor-napredovanje u istraživačko zvanje- viši stručni saradnik za oblast „**Genetika**“
Izjavitelj: Sabaheta Šaćiragić, sekretar;
4. Usvajanje modela citiranja i prijave afilijacije prilikom objavljivanja naučnih radova;
Izjavitelj: dr. sc. *Naris Pojskić*, direktor,
5. Donošenje odluke o raspisivanju internog poziva za učešće u **STUDENTSKIM ISTRAŽIVAČKIM PROJEKTIMA** u Institutu
Izjavitelj: dr. sc. *Naris Pojskić*, direktor,
6. Tekuća pitanja


Predsjednik Vijeća



UNIVERZITET U SARAJEVU
INSTITUT ZA GENETIČKO INŽENJERSTVO I BIOTEHNOLOGIJU

UNIVERSITY OF SARAJEVO
INSTITUTE FOR GENETIC ENGINEERING AND BIOTECHNOLOGY



❖ B&H ❖ 71000 Sarajevo ❖ Zmaja od Bosne 8 ❖ Tel: +387(0)33/220-926 & 215-778
❖ Fax: +387(0)33/442-891 ❖ E-mail: ingeb@ingeb.unsa.ba ❖ WEB: www.ingeb.unsa.ba

Broj: 23-1/22

Datum, 21.01.2022. godine

ZAPISNIK
sa 19. redovne sjednice Vijeća Instituta

Sarajevo, januar 2022. godine

19. redovna sjednica Vijeća Univerziteta u Sarajevu- *Instituta za genetičko inženjerstvo i biotehnologiju* održana je 21.01.2022. godine u Seminar sali sa početkom u 11:00 sati.

Prisutni članovi Vijeća: Dr. sci. *Naris Pojskić*, naučni savjetnik, predsjedavajući, dr. sci. *Kasim Bajrović*, naučni savjetnik, dr. sci. *Lejla Pojskić*, naučna savjetnica, dr. sci. *Jasmina Čakar*, naučna savjetnica, dr. sci. *Adaleta Durmić-Pašić*, naučna savjetnica, dr. sci. *Belma Kalamujić Stroil*, viša naučna saradnica, dr. sci. *Amra Kazić*, naučna saradnica, dr. sci. *Ramić Jasmin*, naučni saradnik, dr. sci. *Lejla Lasić*, naučna saradnica, dr. sci. *Amela Pilav*, naučna saradnica, mr. *Tamara Četković*, viša stručna saradnica, mr. *Nikolina Tomić*, stručna saradnica, mr. *Mujo Hasanović*, stručni saradnik i mr. *Abdurahim Kalajdžić*, stručni saradnik.

Opravadano odsutna: dr. sci. *Sanin Haverić*, naučni savjetnik, dr. sci. *Anja Haverić*, viša naučna saradnica, dr. sci. *Naida Lojo-Kadrić*, viša naučna saradnica (godišnji odmor), dr. sci. *Anesa Ahatović*, naučna saradnica (bolovanje), dr. sci. *Maida Hadžić Kurtović*, naučna saradnica, mr. *Jasna Hanjalić*, viša stručna saradnica i mr. *Lejla Ušanović*, stručna saradnica (porodijsko odsustvo).

Sjednicu je otvorio predsjedavajući Vijeća, dr. sci. *Naris Pojskić*, koji je, nakon konstatacije da sjednici prisustvuje dovoljan broj članova Vijeća za punovažno odlučivanje, pročitao dnevni red i istovremeno predložio dopunu koja se odnosi na razmatranje izvještaja Centralne popisne komisije o popisu imovine Instituta za 2021. godine tako da se iza tačke 5. dodaje tačka 6. koja glasi: " *Razmatranje Izvještaja Centralne popisne komisije o izvršenom popisu imovine Instituta za 2021. godinu* " a tačka 6. postaje tačka 7. Nakon što je jednoglasno prihvaćena predložena dopuna dnevnog reda, usvojen je slijedeći:

DNEVNI RED

1. Usvajanje Zapisnika sa 18. redovne sjednice Vijeća Instituta od 22.12.2022. godine;
2. Razmatranje Izvještaja o radu Instituta u 2021. godini;
Izjavitelac: dr. sci. *Naris Pojskić*, direktor,
3. Utvrđivanje Prijedloga za pokretanje procedure i raspisivanje konkursa za izbor-napredovanje u istraživačko zvanje- viši stručni saradnik za oblast „**Genetika**“
Izjavitelac: Sabaheta Šaćiragić, sekretar;
4. Usvajanje modela citiranja i prijave afilijacije prilikom objavljivanja naučnih radova;
Izjavitelac: dr. sci. *Naris Pojskić*, direktor,
5. Donošenje odluke o raspisivanju internog poziva za učešće u *STUDENTSKIM ISTRAŽIVAČKIM PROJEKTIMA* u Institutu
Izjavitelac: dr. sci. *Naris Pojskić*, direktor,
6. Razmatranje Izvještaja Centralne popisne komisije o izvršenom popisu imovine Instituta za 2021. godinu;
Izjavitelac: dr. sci. *Adaleta Durmić-Pašić*
7. Tekuća pitanja

TOK SJEDNICE

Članovi Vijeća Instituta za genetičko inženjerstvo i biotehnologiju Univerziteta u Sarajevu su bili pozvani da se izjasne dostavljenom zapisniku:

Ad-1.

Jednoglasno je usvojen zapisnik sa 18. redovne sjednice Vijeća Instituta od 22.12. 2021. godine;

Ad-2.

Direktor Instituta, dr. sci. *Naris Pojskić* kao izvjetilac po ovoj tački dnevnog reda istakao je da je radni materijal o Izvještaju o radu za 2021. godinu pripremila koordinator na način kao i ranijih godina na obrazcu dostavljenom sa Univerziteta. Do održavanja sjednice Vijeća dobijeno je nekoliko sugestija i prijedloga od strane zaposlenika a i on sam je imao određene sugestije o kojima će se na ovoj sjednici raspravljati.

Dr. sci. *Lejla Pojskić* je imala prijedlog da se u izvještaj unese projekat sa Farmaceutskim fakultetom Univerziteta u Sarajevu koji nije naveden u ovom radnom materijalu a dr. sci. *Lejla Lasić* je rekla da je to urađeno.

Predsjedavajući Vijeća je istakao kako je jako nezadovoljan formom izvještaja i zato će insistirati da se to popravi na Senatu Univerziteta u Sarajevu a prethodno i na sjednici Grupacije prirodno-matematičkih i biotehničkih nauka. U obrazac za ovu izvještajnu godinu se ne može napisati ni 30% onoga što smo mi uradili. U vezi s tim zatražio je podršku Vijeća kako bi se za Senat i grupaciju pozvao na istu. Istovremeno predlaže da se rektoru i Upravnom odboru Univerziteta uputi dopis o promjeni forme godišnjeg izvještaja o radu organizacionih jedinica.

Dr. sci. *Amra Kazić* je predložila da ovaj dopis bude dodatak izvještaju.

Nakon što više nije bilo novih diskusija i prijedloga Vijeće je jednoglasno donijelo:

Prijedlog:

1. Donosi se Prijedlog Odluke usvajanju Izvještaja o radu Univerzitet u Sarajevu-Instituta za genetičko inženjerstvo i biotehnologiju za 2021. godinu.
2. Izvještaj iz tč. 1. ovog Prijedloga dostavlja se Upravnom odboru Univerziteta u Sarajevu na dalje postupanje, u skladu sa članom 129. stav (2) tč. (f) Zakona o visokom obrazovanju ("Službene novine Kantona Sarajevo" broj: 33/17).
3. Ovaj Prijedlog Odluke stupa na snagu danom donošenja.

Vijeće je jednoglasno donijelo:

Zaključak:

1. Podržava se inicijativa direktora Instituta da se pismenim aktom obrati organima Univerziteta sa zahtjevom da se izmijeni forma godišnjeg izvještaja o radu organizacionih jedinica Univerziteta.

AD-3

Nakon obrazloženja sekretara Instituta o potrebi za pokretanje inicijative za izbor-napredovanje saradnika u istraživačko zvanje- viši stručni saradnik mr. *Lejla Ušanović*, što je u skladu sa Dinamičkim planom potreba Instituta za raspisivanje konkursa za izbor u zvanje 2021/2022 godini, Vijeće Instituta je jednoglasno predložilo:

1. pokretanje procedure raspisivanja konkursa za redovno napredovanje u istraživačko zvanje: **viši stručni saradnik** za oblast „Genetika“ i izvršilac

Konkurs za izbor-napredovanje saradnika u istraživačko zvanje će objaviti direktor Instituta na osnovu člana 29. stav (2) Zakona o naučnoistraživačkoj djelatnosti i u skladu sa Dinamičkim planom potreba Instituta za raspisivanje konkursa za izbor u zvanje 2021/2022 godini po prethodno dobivenoj saglasnosti Senata Univerziteta u Sarajevu na pokretanje procedure raspisivanja konkursa za izbor.

AD-4

Dr. sci. *Naris Pojskić* je istakao potrebu da usvojimo način afilijacije za web stranicu što je sada veoma šaroliko. u toku ove godine stranicu treba updatirati što znači da treba biti uniformna sa stranicama drugih organizacionih jedinica. Također je naglasio da treba donijeti model citiranja i prijave afilijacije prilikom objavljivanja naučnih radova i predložio da model bude kao za naš časopis. Zadužio je dr. sci. *Jasminu Čakar* da pošalje na mail tabel u kojoj će biti citirani svi radovi. Predsjedavajući Vijeća je rekao da afilijacija ide vrlo jednostavno i zatražio je da se povede računa o punom nazivu instituta i da se na web adresu upiše tačan naziv i adresa bez riječi „Kampus“

Donesen je slijedeći:

Zaključak:

1. Usvojiti model citiranja i prijave afilijacije prilikom objavljivanja naučnih radova onakan kakav je u našem časopisu
2. Uraditi afilijaciju prema preporukama rektorata UNSA.

AD-5

Izjavitelj, dr. sc. *Naris Pojskić* je predložio da se interni poziv za učešće u *STUDENTSKIM ISTRAŽIVAČKIM PROJEKTIMA* u Institutu raspiše sada kako bi se studenti do početka predavanja mogli prijaviti. predložio je da se dr. sci. Anesa Ahatović odredi za koordinaciju internog poziva i predloži članove Komisije, dr. sci. *Adaletu Durmić-Pašić* za predsjednicu, dr. sci. *Jasminu Čakar* i dr. sci. *Belmu Kalamujić Stroil* za članove. Također, direktor je predložio da šefovi laboratorija odrede na koje projekte će se studenti prijaviti kao i broj studenata. Nakon toga donesena jednoglasno je donesena slijedeća:

Odluka:

1. Raspisuje se Interni poziv za učešće u *STUDENTSKIM ISTRAŽIVAČKIM PROJEKTIMA* kroz koje studenti stiču praktične vještine iz molekularne genetike i DNK tehnologija.
2. Pravo prijave na poziv imaju studenti završna četiri semestra I ciklusa i drugog semestra II ciklusa i integriranog studija Univerziteta u Sarajevu i to sljedećih fakulteta: Poljoprivredno-prehrambeni fakultet, Šumarski fakultet, Prirodno-matematički fakultet (Odsjek za biologiju), Veterinarski fakultet, Farmaceutski fakultet, Fakultet zdravstvenih studija (Studij Laboratorijske tehnologije), Medicinski fakultet i Stomatološki fakultet sa klinikama.
3. Prijava na interni poziv se mogu dostavljati od 01.02.2022. godine do 21.02.2022. godine.
4. Realizacija projekata trajat će od 15.03.2022. do 15.08.2022. godine. Dinamika realizacije studentskog istraživačkog projekta biće dogovorena sa voditeljem projekta a u skladu sa nastavnim obavezama studenta.
5. Komisija u sastavu:
dr. sci. *Adaleta Durmić Pašić* naučna savjetnica, predsjednica
dr. sci. *Jasmina Čakar*, naučna savjetnica, član i
dr. sci. *Belma Kalamujić Stroil*, viša naučna saradnica, član.
će donijeti Odluku o realizaciji internog poziva i dodijeliti projekte prema prijedlogu Komisije koji utvrdi u skladu sa kriterijima koji se odnose na prosjek ocjena, pismo motivacije, preporuke predmetnih nastavnika, znanje engleskog jezika, znanje upotrebe računara, te po potrebi ocjene komisije tokom intervjua.
6. Komisija je dužna Vijeću Instituta podnijeti Izvještaj o realizaciji internog poziva i dodjeli istraživačkih projekata.

AD-6

Predsjednica Centralne popisne komisije, dr. sci. *Adaleta Durmić Pašić* podnijela je Izvještaj o izvršenom popisu imovine Instituta za 2021. godinu koji je sačinjen na osnovu po Izvještaja Komisije za popis potraživanja, obaveza i novčanih sredstva i Komisije za popis stalnih sredstava, sitnog inventara i materijala. istakla je da je Izvještaj urađen po uputama službi Rektorata UNSA u skladu s kojima su urađene popisne liste. Ovaj Izvještaj će se uputiti Upravnom odboru Univerziteta u Sarajevu na dalje postupanje.

Vijeće Instituta je jednoglasno donijelo slijedeći:

PRIJEDLOG


Odluke o usvajanju Izvještaja o popisu imovine i obaveza Instituta za 2021. godinu

1. Donosi se Prijedlog Odluke usvajanju Izvještaja o popisu imovine i obaveza Univerzitet u Sarajevu- Instituta za genetičko inženjerstvo i biotehnologiju za 2021. godinu.
2. Izvještaj iz tč. 1. ovog Prijedloga dostavlja se Upravnom odboru Univerziteta u Sarajevu na dalje postupanje, u skladu sa članom 35. Pravilnika o popisu imovine i obaveza Univerziteta u Sarajevu.

AD-7

- a) Dr. sci. **Lejla Pojskić** podsjetila je članove Vijeća na dostavljeni poziv za promjenu tebele za prijavu međunarodnih aktivnosti jer je on prijavljen u posebnoj tabeli te isti uputila službi za međunarodnu saradnju Univerziteta u Sarajevu. Ona je tabelu malo modificirala. Pozvala je članove Vijeća da se u tabelu ažurira završetak međunarodne saradnje i istakla kako će, po prestanku pandemije Corona virusom biti reaktivacija međunarodnih aktivnosti.
- b) Dr. sci. **Lejla Pojskić** je upoznala članove Vijeća o dogovoru sa ALPHACHROM iz Zagreba radi dogovora u vezi njihove ponude da donesu svoj uređaj za mjerenje metabolizma u živim ćelijama u realnom vremenu i da urade demoprezenzaciju ovdje u Institutu na našim ćelijskim linijama tretiranim halogeniranim boroksinom. Termin njihovog dolaska je 09.02.2022. godine.
- c) Direktor Instituta, dr. sci. **Naris Pojskić** je obavijestio prisutne članove Vijeća da se priprema finansijski izvještaj Instituta u 2021. godini o kojem će se izjašnjavati na posebnoj sjednici Vijeća.
- d) Predsjedavajući Vijeća je obavijestio prisutne članova Vijeća da će se u utorak, 25. 01.2022. godine održati savjetovanje pod nazivom: "Budućnost obrazovanja: Visoko obrazovanje za održivi razvoj 2030." na kojem će učestvovati i naši zaposlenici.

Završeno u 12:00 sati.


N. Pojskić



ik